

桐梓縣志卷十八

物產二 果花草竹木

果類

棗 無專植者其大樹有徑尺實亦肥大另種酸棗實小而酸仁長而赤木理堅細孟子之槭棘也婁里福土填石連廟有酸棗大五抱生癭如獅下有巨井照水形如活

柿 樹甚高大結實盈千徑有三寸一種小如櫻桃無核而甘俗呼山柿

栗 左思蜀都賦櫛栗罅發戊己編郡產栗四種一毛栗又名板栗樹大皮白葉長有稜刺棗如杯殼赤肉黃八月熟一猴栗樹皮淡紅木理堅韌殼灰肉白味略不同亦八月熟一槲栗即槲櫪葉細光滑小棗攢攢殼黑肉白子如大豆九月乃熟木性

桐梓縣志

卷十

食貨志

一

黔南鉛石印刷局代印

硬直斧撕易裂以上三種樹皆連抱一狗爪栗樹小棗細攢結如狗爪粒如豌豆其詩之榛栗乎抑爾雅之栲栗乎以嫩枝接櫟其長倍速參黃志

梨 梨山檣爾雅其種殊多邑有桐子梨多津無渣微有桐油氣

疑接於罌桐也沿葫蘆填一帶倚山麓者家植十數株每年獲利甚巨更有數種曰水冬瓜曰稱鉞梨以形似也曰青皮梨曰黃皮梨以色名也蓄至殘冬其甘如蜜或接於桑尤顯甘脆婁里黃平填之泥馬廟有水梨樹周圍二丈許其葉似梨實若梧子皮甚皴裂理亦堅赤然不成果也

桃 桃品甚多易於種植近自江津販來接桃秧踰年即實大而脆甘種樹書云柿樹接桃則成金黃色梅樹接者則脆

李 綠葉白花樹能耐久三十年未老其種近百形色各異本草

綱目以枝接桃樹則結子甘紅元日或元宵取磚度樹歧亦令實繁羣芳譜

梅 樹葉略似杏故有誤為一類者先衆木而花子赤者材堅白者材脆

杏 葉團有尖二月開花取枝接桃樹則結杏紅大又耐久不枯羣芳譜

沙棠 狀如棠黃華赤實味如李而無核山海經似棠梨葉背白邊有鋸齒開白花實如豌豆味酸甜救荒本草

棠棣 一名郁李俗呼棠李花葉似木李幹間有刺長即成枝二月開花有赤有白五月始熟其核甚大參爾雅疏

橘 蜀都賦戶有橘柚之園黃志高丈許枝莖間多刺葉尖花白實大如杯包中有瓣嫣紅而光潤者為上夜蘆里沿河土煖皆

桐梓縣志

卷十

食貨志

二

黔南鉛石印刷局代印

可種植近城亦有試種者

柑 俗呼廣柑實巨如橘色黃皮厚液多熟遲益部方物贊碧葉春葩厥包之珍丹衷既披香液始津參黃志

橙 似柚形圓葉缺皮皺晚熟耐久大者如盃

接客橙 古名盧橘似橘而非若柚而香夏秋華實相繼或如彈丸上注一名金橙博物志又名金橘又名夏橘農全書今蜀人

呼為公孫橘詩鈔

柚 一名爾雅一名條臭橙桂海虞衡志似橙而臭皮厚肉酢實大於橘

香櫞 一名枸櫞柑橘之屬皮黃肉厚氣殊芬鬱置衣笥中經年猶馥本草綱目以為佛手柑誤甚

蜜同 瓜屬也廣雅柚之一種藤本實大於瓜皮黃若佛手柑白

肉無瓢甜與蜜同通志黃志引仁懷志作蜜羅柑似誤通志又載

安南縣志紫羅橘俗名蜜筩似蜜羅而小皮薄有瓢豈又一種耶

佛手柑 葉尖而長壓枝卽生枝間有刺其實如人手指曲聚而成圓形搗蒜罨其蒂香更充溢參農政全書

頻菓 本爲頻婆聲之轉也本草作柰熟則赤多於碧大者如杯味甘而肉鬆參授時通考

林檎 蜀都賦其園則有林檎柑杷黃志與頻果花紅同類故葉果皆同較頻菓稍小而脆

花紅 葉似櫻桃更覺深綠花色粉紅較林檎爲脆壓栽均活楊梅 北戶錄播州有白色者甜而絕美黃志引樹似荔枝小春

花夏實其味甘酸肉在核上外無皮殼色多紅紫白者尤甘種樹書云以枝接於桑樹則不酸產於遵義者尤美實大色紅微

桐梓縣志

卷十

食貨志

三

黔南鉛石印刷局代印

黑故名火炭楊梅

櫻桃 本名含桃禮記葉團有尖繁英如雪結實萬千先百果熟本草綱目色鮮而瑩肉厚而嫩木亦堅重

石榴 一名若榴廣雅柰屬也玉篇又名安石榴種來安石國博物志

李時珍云植者須置安僵石枯骨於根下可使花實並茂則安石之名義或取此榴者垂垂若贅瘤也花有赤黃二色實有甘酢二種酢者入藥大者如盃亦佳種也開雙花者不實

核桃 一名胡桃漢張騫由胡帶種而植也有殼薄仁肥者有殼綻細孔者二種皆佳樹大連二抱一種殼堅厚仁緊

枇杷 樹甚堅緻肥枝長葉冬花夏實津濃味甘美材佳果花名款葉均可入藥參本草

楂 柎槩梅爾雅卽山楂宋圖經葉如葶椒葉微短開小白花結實

如小林檜有黃赤二色味酸澀蒸之瀋去而酸甘矣開味消食  
壓油塗瘡疥浸印色尤佳其木堅韌可爲舁扛

銀杏 一名白果薄葉縱理如鴨掌形春花成簇夜開夜落一

枝結十子經霜乃熟爛去外肉核有白殼再剝硬殼方得其肉

須雌二棱雄兩頭尖核同種後乃結實其樹耐久肌理白膩術

家用刻符印本草綱目漆里槐子水石山廟有一株圍四抱婁里松

芸臺一株圍九抱尤巨也

荔枝 常璩蜀志江陽郡有荔枝又巴志果實之珍者樹有荔

枝

按桐梓仁懷並產黃志林中野生者綠葉蓬蓬冬夏榮茂無

人培植遂失佳種

餘甘子 如梅李核有刺初食味苦後甘吳都賦注益部方物

桐梓縣志

卷十 食貨志

記樹大葉細似槐實若李而小咀之前澁後馥有味故號餘甘

即本草所謂菴摩勒者贊曰黃葩翠葉圓實而澤咀久還甘或

號菴勒黃志樹高一二丈子如梭形大如梅子

枳椇 一名木蜜俗名拐爪救荒本草作拐棗不知象形稱名也詩南山有杞陸

疏木蜜也左傳云枳椇來巢言其味甘故鳥慕而巢之古今注

實形拳曲核在實外本草樹高三四丈夏開淡黃花枝頭結實如

鷄爪形經霜乃黃味甘如蜜節黃志

紅子 四川志一名救軍糧實纍纍紅如珊瑚味甘可食昔有

軍缺糧以此充食故名戊己編紅子木類叢生拳密枝間多刺

春開白花結子圓扁如豆大色赤如火亦有黃色者八九月熟

經霜尤佳貧家磨作蒸餅節黃志

按其木堅韌深林中有徑三四尺長者可作丈八矛桿

經霜尤佳貧家磨作蒸餅節黃志

按其木堅韌深林中有徑三四尺長者可作丈八矛桿

刺梨 滇黔紀遊刺梨野生夏花秋實幹與果多芒刺味甘酸食之消悶煎汁爲膏食同楂梨田居蠶室錄考之本草金櫻子一名刺梨子一名山石榴蘇頌云叢生郊野中大類薔薇有刺四月開小白花夏秋實亦有刺黃赤色似小石榴

按此則金櫻正是刺梨櫻當作罌與石榴皆象形也省志云惟黔境始有似不盡然古方有金櫻酒今黔人取以浸酒名刺梨酒是古製也節黃志刺梨花有四瓣半白半紅實扁如橘同高粱釀酒味更酥爽

葡萄 一作蒲桃苗作藤蔓而極長大延緣架上葉密陰厚可以避熱春花成穗秋中實熟

桐梓縣志

卷十 食貨志

五

黔南鉛石印刷局代印

落花生 一名長生菓由外國傳種福建然酉陽雜俎已載花生也葉嫩花黃苗長隨壓約二尺許緣葉下根卽生硬殼皺長而圓內米二三食之脆香味若松子壓油亦多宜於沙土拾遺目

無花果 葉如蒲桃長硬而厚葉間生果如熟李子肉軟而甘插條卽活

榔梅 榔榆樹也相傳眞武在太和山折梅枝插於榔樹誓曰吾道若成開花結果後如其言本草綱目今夜里市者甚多其葉如柿有毛實是梅形似杏核如梨味酸而甘  
花類

牡丹 本草生巴郡山谷產合州者佳黃志引各家園中植多異品奇葩嫩蕊以色呼名富貴可人羣芳冠冕根皮可入藥

蘭 生幽谷如茅長一二尺四時常青花色黃綠瓣上有細紫點春芳者爲春蘭色深秋芳者爲秋蘭色淡草本有一幹一花者幽香流溢異於衆芳有一幹數花者有四季花者香則減矣城北四里蘭花山形如帽盒縣治來脈也遍生蘭草香聞遠近其詩經所謂蘭另爲一種方莖紫花枝莖皆馥乃爲眞澤蘭參本草

伊蘭 楊慎賦序江陽有花名賽蘭香不足於艷而有餘於香戴之鬢紛經旬猶馨意古者紉佩之用頽浴之具必此物也西域有伊蘭以爲佛供漢書所謂伊蒲之供也羣芳譜蜀中名賽蘭樹如茉莉花小如金粟香特馥烈黃志

荷花 光緒丙子丁丑城內外植荷甚夥次年亭亭如蓋五月大漲彌月莖葉爛則根自傷後祇寺觀中有池種者

鐵線蓮 花葉均似西番花心黑如鐵線農政全書 田居蠶室錄蔓

生花大徑寸白瓣上布綠纓一圍中心突出末橫起蕊如十字尖綴黃粉花隨日轉朝開暮合布落穿籬清雅可玩黃志引

睡蓮 葉如苕而大沉於水面其花布葉數重不房而蕊凡種五色當夏晝開夜縮入水底來朝復出北戶錄 益部方物略記朝

日蓮花色或黃或白葉浮水上翠厚而澤形如菱花差大開則隨日所在日入輒斂而藏於葉下若葵藿傾太陽之狀贊曰素花碧葉秀浮波面日中則向日入還斂今人呼爲子午蓮黃志引

按子午蓮本草綱目以爲古之蘋蘩葉有缺口開白花非睡蓮也

木蓮 白居易木蓮樹詩序生巴峽山谷間高者五丈涉冬不凋身如青楊葉如桂花如蓮香色艷麗皆同獨房蕊有異夏初始開益部方物贊曰葩秀木顛狀若芙蕖不實而榮馥馥其敷

婁山關木蓮千年來樹也道光癸巳爲風折毀引黃志

按本草綱目作木蘭非蜀都賦所稱之木蘭也其木肌細而心黃亦呼黃心樹

迎春花 叢生高者二三尺方莖厚葉對節生枝春初開小黃花如瑞香滇南名金梅非木筆也參本草綱目

瑞香花 枝幹婆娑柔條厚葉四時不凋冬春之交開花成簇如丁香狀有黃白紫三色其根綿軟而香本草綱目

月季花 此即東方所謂四季花者翠蔓紅花月輒一開贊曰花宜四時月一披秀寒暑不改以故常守黃志千葉厚瓣逐月開

放不結子也本草綱目俗名月月紅

錦帶花 益部方物記長蔓柔纖花萼間側如藻帶然花開形似飛鳥故一號鬢邊嬌贊曰苒苒其條若不自持綠葉丹英蔓

桐梓縣志

卷十 食貨志

衍紛垂杜詩注一名文官花有花如錦遂名錦帶條如郁李春來方開紅白二色黃志

陽雀花 陽雀杜鵑也雀鳴時花方開叢生瘦莖一葉一花一花六瓣金光成串大不及錢節黃志

金盞花 俗名盞盞花黃志一名金盞草苗高四五寸葉似嫩蒿苴抱莖生葉莖端開金黃色盞子樣花四時不絕救荒本草

杜鵑花 一名映山紅又名山石榴一枝數萼葉如柳花似打盤花而紫心多長鬚瓣上多黑點

芍藥 猶倬約也莖上三枝五葉夏初開花有赤紫白各種本草梔子 初夏開花花皆六出白瓣黃蕊氣甚芬香本草綱目另種海

梔幹只尺餘花葉皆小盆玩大好 鴛鴦草 益部方物記春葉晚生其稚花在葉中兩兩相向如

飛鳥對翔贊曰翠花對生甚似匹鳥逼而觀之勢若偕矯黃志  
木槿 舜華也時毛傳 樹似李葉尖而無齒華色曰與粉紅俱顯  
嬌嫩朝開夕隕無壽之花也

鳳仙花 其花頭翅尾足皆具翹然如鳳狀又名夾竹桃其實  
如小桃狀俗呼指甲花葉可染指甲也莖高二三尺葉長尖而  
有鋸齒極間開花赤或比硃白或似雪白夏至秋開謝相續實  
包小子如蘿蔔種容易破裂解毒消腫全體皆用本草綱目

紫繡毬 巖棲幽事蜀有紫繡毬黃志 今東里紅花園有植者

紅蕉花 益部方物記於芭蕉蓋自一種葉小其花鮮明可喜  
蜀人語深紅者謂之蕉紅蓋仿其殷麗云贊曰蕉無中幹花產  
葉間綠葉外敷絳質凝殷黃志 南中芭蕉有數種極大者凌冬不  
凋中抽一條長數尺節節有花花腿葉根有實去皮取實味極

桐梓縣志

卷十 食貨志

八

甘冷一種紅蕉花葉瘦類蘆箬有數層日折一兩葉色紅如榴  
花其端有一點鮮綠可愛春開至秋盡猶芳俗名美人蕉桂海虞衡志  
旌節花 益部方物記條條華碧皆層層而擢正類使所持節  
然故名見益州圖經贊曰擢條亭亭層層紫丹狀若使節方圓

實刊黃志

薔薇 爾雅作蔕薜聲相轉也蔓生莖上多刺葉小而尖夏花  
四出有黃白紅紫各色香豔可人結子成簇生青熟紅蒸取花  
汁爲薔薇露香馥異常本草綱目

打盤花 菑惡菜也詩毛傳 一名菑爾雅 救荒本草菑子根俗名打

盤花蔓生小葉花似牽牛微短而圓粉紅色參黃志

石蟬花 益部方物記其條森擢長二三尺葉如菖蒲紫萼五  
出與蟬甚類綠黃相廁白者名玉蟬贊曰有條穎然有口敷然



取其肖象莫類於蟬黃志

七寶花 益部方物記玉蟬花類也其生叢蔚花紫苞絳贊曰

擢穎挺挺盛夏則榮丹紫含英以實見名黃志

鹿葱花 詩諼草諼忘也故說文名忘憂草本草名鹿葱俗名

黃花色黃而嫩開花六出五月抽莖**櫛**以為蔬最易繁密結實

三角內有黑子光澤如漆本草綱目

蜀葵 爾雅苒戎葵注今蜀葵也葉似葵花如木槿黃志詩之烹

葵禮之用葵乃爾雅注荆葵即菝葜茅也其花如錢大色粉紅

有紫文縷之葉味甘滑揚州人以為常蔬

天葵 岫嶼神書紫背蜀中靈草生於水際取自然汁煮汞則

堅黃志唐本草莖紫黑葉小花白噉之極滑鄭樵通志菟葵天葵

也葉大如錢分三歧面青背紫其用在根生於崖石

向日葵 宋本草作黃蜀葵寇宗奭曰與蜀葵別種黃志左傳

杜注葵傾葉向日以蔽其根李時珍曰莖高七八尺其粗如臂

葉大如蓖麻六月開花大如盤鵝黃色回轉向日花蒂結角角

中包子有數十花者黃志又作秋葵

荼蘼 益部方物記蜀荼蘼多白黃者間有之但香減於白花

贊曰人情尚奇賤白貴黃厥英略同實寡於香黃志

海棠 海棠有四種黃志記西府海棠枝梗略堅花稍紅西府

中又有名紫綿者色重瓣多盛於蜀西府蜀府也羣芳譜

桂花□其花赤色者俗稱丹桂氣馥烈白色者俗稱銀桂黃色

者俗呼金桂有開四季者逐月者此樹名巖桂又呼木犀與藥

肆肉桂另種

按四季桂俗名七里香通志

菊花 菊凡百種宿根自生莖葉花色品品不同眞菊延齡野菊瀉人今山中產者葉小而多尖花小而多蕊氣味苦辛不堪

服食

本草綱目

紫荊 木似黃金葉小無桎花繁色紫細碎成朶草本

鵝毛玉鳳花 益部方物記本至卑纖蓬如釵股秋開白花而

鬚狀似禽故曰鳳色白故曰玉以其分至輕故曰鵝毛贊曰華

而無采狀類翔鳳么質毛輕翩欲飛動黃志

山茶 樹高丈許枝幹交加葉頗似茶深冬開花紅瓣黃蕊草本

綱目藥圃同春蜀茶紅白二色清而喜腴秋時用烏頭水灌之其

花益妍參黃志

木芙蓉 花艷如荷故有芙蓉木蓮之名秋中復開故名拒霜

先白後紅插枝卽活瘡科聖藥本草綱目

桐梓縣志

卷十 食貨志

十

蠟梅 小樹叢枝尖葉密花色黃香濃結實如垂鈴尖長寸餘

子在其中樹皮浸水磨墨最顯光采本草綱目

觀音蓮 卽草類海芋葉如芋長尺餘寬五寸花出其端或黃

或藍花中有蕊長作穗如觀音像在圓光之狀本草綱目

長樂花 傅元紫花賦序一名長樂蜀界特饒花純耐久蘇頲

賦莖丹外而縞中葉縹分以紅貫綴綠穎之重疊索紫蕤之爛

漫益部談資枝葉皆如虎耳草秋後叢生開紫色小花冬末轉

盛鮮麗可愛黃志

玉簪花 苗高尺許葉大如掌團而有尖六七月抽莖中出花

朶十數長二三寸正如白玉搔頭簪頗香其根解諸毒下骨哽

塗癰腫本草綱目

玫瑰花 莖有刺葉如月季而多鋸齒氣香味甘有紫白二種

本草拾遺

草類

薜 華陽國志警縣有薜始生可食黃志 薜蒿也子虛賦注 一名薜蕭

爾雅 又名艾高說文 青白色莖似箸而輕脆始生可食又可蒸也詩陸疏

今呼為白蒿草本

按蕭聲轉蒿賴艾聲同假借字也

人參 近有得遼參子種於紫油沙地苗長二三尺三葉對生如匙而小花藍五方二三年者根大如拇指蒸熟明潤似新羅參服之亦見功效

沙參 一名苦心廣雅 莖高二尺餘其葉尖長花紫蕊白長二三寸狀如鈴鐸故又名鈴兒草根白多汁宜深秋采能補肺氣而

益脾與腎參本草下同

桐梓縣志

卷十 食貨志

十一

黃精 苗高一二尺其葉似竹葉而短其根似生薑而嫩俗呼

老虎薑山中產者甚肥大補虛益氣強筋益骨

仙茅 葉如茅開黃花根有節有肉補虛益陽藥中上品

淫羊藿 苗高一二尺一莖三桠一莖三葉葉似豆藿有細齒

根紫色多鬚補精益氣不異參芪

天麻 莖赤如箭籜葉生其端根如芋魁外有小子十二環之

為治風要藥

貫衆 其根一本而衆枝貫之故根名貫衆莖葉如鳳尾故名鳳尾草形色毛芒全似鴟頭故又名草鴟頭所在山谷皆有俗呼冷蕨其為治血解毒所需

茯苓 淮南子云千年之松下有茯苓則上有兔絲今鹿尾松林不過百歲亦嘗掘出茯苓李時珍云下有茯苓則上有雲氣

如絲之狀問之士人此言非誑

五加皮 蜀語謂之白刺顛葉作酒麵藥譙周巴蜀異物志名

文章草贊曰文章作酒能成其味以金買草不言其貴引黃志以

五葉交加者良故名根類地骨皮輕脆芬香苗莖有刺類薔薇

長者踰丈草本

紫草 本作苳草爾雅又作苳蒨中染紫也田居蠶室錄花葉似

胡麻惟幹圓根紫葉落幹枯其根始紅土人掘以染燭節黃志

前胡 苗高一二尺葉類野菊其根皮黑肉白產遵雞喉關者

心如菊花當年曾作貢品數里外產者□之關上亦然販者以

為奇貨參黃志

黃連 苗高尺許葉青花黃凌冬不凋根如雞爪形本草仁懷志

根即生葉長三四寸以根為幹葉數瓣深碧色黃志產高崖石

桐梓縣志

卷十 食貨志

壁殊不多得近有種植者

威靈仙 蔓生莖如釵股秋花六出有紫碧白各色其根鬚多

乾則色黑能通經畧去衆風參本草

升麻 其性上升苗葉似麻根似蒿紫黑而多鬚解蟲尤奇

牛膝 莖高二三尺有節而方葉兩兩相對節上生花作穗結

實甚細根以長大柔潤為美有紅白二色引血消腫紅者尤

良草本

莎草 莎蒿侯也其實媿爾雅葉如老韭莖有三稜實在其端根

名香附如羊棗尖而多鬚藥能通氣本綱目

紅藍花 葉似薊花似蒲古今注作菜彙多刺采花搗出黃汁者

再以青蒿覆一宿乃可染紫赤色參本綱目

茜草 葱蘆齊人謂之茜詩陸疏茅蒐也說文染草葉似棗葉頭尖

下闊對生節間蔓延數尺根紫赤色宋經圖俗呼血籐通經畧治風痺行血止血跌損要品

菖蒲 生於水石之間葉有劍脊瘦根密節高尺餘者石菖蒲也本草綱目

附子 楊雄蜀都賦薑梔附子黃志附烏頭而生者為附子如子

附母也除彰明縣專植外餘皆野生曰烏頭又曰草烏葉厚莖

方其花紫瓣黃蕤本草綱目

半夏 生山土中一莖三葉葉頗似竹根團白如苦藟消痰降

逆癰腫之要

苦參 苗高三四尺葉似槐花色黃白結莢包子其根亦黃有

五六寸清熱殺蟲是藥所長本草

大黃 苗高二尺其葉四四相當根有徑二寸者參本草

桐梓縣志

卷十

食貨志

十三

巴豆 華陽國志江陽郡有巴菽蜀都賦其中則有巴菽巴戟

黃志引巴豆殼似大風子而脆薄子及仁皆似海松子本草綱目

蓖麻 莖赤有節似大麻結實如牛蒡內有三四子如巴豆熱

地生者樹尤高大數年不萎參本草

栝樓 果羸之實也雅爾聲相轉為栝樓又轉為瓜萋蔓生年久

者根長數尺秋後掘者實有粉又呼為天花粉本草

土茯苓 一名禹餘糧謂大禹行山采此充糧也蔓生長葉如

大竹葉根似茯苓連綴而生氣味甘淡瘡毒要藥參本草

婆婆鍼線包 本名芄蘭詩經實名雀瓢陸疏苗高二三尺其端結

角如鈴而方上開百花角中白絮一子承一絲故名婆婆鍼線

包長三寸許枯裂成瓢

覆盆子 本名藟蓋爾雅一作缺盆說文俗名插田蘿四五月熟又

名烏蘆色烏赤也莖有倒刺一枝五葉開白花子如桑椹其味酸甘又爾雅蘆薈卽莓說文作莓語聲之轉耳

倒築傘 田居蠶室錄枝葉結子與薔秧蘆絕似枝末拄地卽生根復起亦然竟不知本末所在其子食之甘黃志

按此卽白刺蘆

鈎籐 本草鈎作鈎其莖間有刺若鈎然籐細而空可以吸酒田居蠶室錄色赤者良參黃志

慈姑 一歲生十二子如慈姑之乳諸子也閏則加一生水田者無毒野生者爲山慈姑本草綱目掘時出聲則子不全

海芋 益部方物記高四五尺葉大似芋而有幹方家號隔河仙云可變金或云能止瘡贊曰本幹芋葉擁腫盤戾農經不載可用治癩黃志引其根似芋大者如斗夏秋開花如蓮碧色卽花

桐梓縣志

卷十

食貨志

十四

類之觀音蓮本草綱目

透山根 岫嶼神書生蜀中山谷草類蘼蕪可以點鐵成金黃志

引本草綱目

按今本草綱目未見又云金英草亦生蜀中如馬齒莧而色紅摸鐵成金入口殺人化爲紫水

葛 有二種皆野生蔓延一二丈葉如楓而長有三尖七月開紅紫花結莢成豆莢子扁而色綠其根大如手臂捶洗風乾可緝爲布小者俗名葛籐用葺茅屋剝之亦可織布

千里光 蔓生葉似菊而長秋開小黃花明目解疫去毒消腫瘡科要藥本草

八月瓜 救荒本草一名野木瓜與木瓜相似蔓延草木上四五葉攢生一處結瓜如肥皂大味甘易朽

地瓜 蔓生葉似澤蘭隨節生鬚根結如瓜大者近寸內有多子似黍米味殊甘

羊桃 爾雅曰長楚白花子如麥其葉與實皆類桃取汁可膠通志 陸詩疏萇楚今之羊桃鄭氏曰藤生蜀本草葉花皆似

桃子細如棗核

按羊桃可食根葉黏膩造紙者搗以和構竹筴紙始成呼爲

滑藥節黃志

常山 莖圓有節高三四尺葉似茗而狹白花青萼結實青圓

吐痰驅瘴唐本草

金銀花 本名忍冬其藤凌冬不凋也延蔓而生對節生葉一

蒂兩花初白後黃新舊相參氣甚芬芳解毒補虛善療惡瘡

葳菜 俗名側耳根側者葳之譌黃志 莖葉皆紫色味腥而臭

桐梓縣志

卷十 食貨志

十五

多食發脚氣鄉俗取其消食故多好之

虞美人 益部方物記虞美人草虞可作娛意其草柔纖爲歌

氣所動故其葉至小者或動搖美人以爲娛樂耳贊曰翠莖纖

柔稚葉相當逼而歌之或合或張益州草木記人或歌曲應拍

而舞黃志引

仙人掌 本草綱目多生石上貼壁而生形如人掌田居蠶室

錄葉厚如掌細刺如鍼相接成枝多至十二三掌花色赤黃實

似小瓜可食黃志引 無枝葉狀如人掌側累而成自三掌至十三

掌而止色綠通志味甘補虛植之家庭可鎮火災羣芳譜

百合 一莖直上四向生葉夏間莖端開大白花四垂向下根

如大蒜味如山藷本衆瓣合成故名百合可治病亦作嘉蔬參本草

水蠟燭 心齋隨筆叢生冷水田形與燭肖李調元詩竟是天

生燭居然照滿川任風吹不熄經雨濕仍然紅影搖波直青藜  
逐浪圓三條思往事天祿愧當年引黃志

按此草外紅內白擷之皆絨毛能止血生肌

鐙心草 叢生修莖內瓢虛白抽以爲鐙燭之炷亦可入藥外  
皮編席栽肥澤田比稻利倍參本草

竹花菜 荒年雜詠其葉似竹生水濕處鄉人磨豆漿多用以

和煮引黃志

清明草 荒年雜詠注清明時絨絨叢生肥嫩而有細毛和米  
粉搗餅食之味微甘呼爲輓簇巴亦呼清明巴老開黃花則不

可食引黃志

按此卽綿絮頭草一名金佛草本草綱目作鼠麴俗呼毛耳  
朶又名茸母宋徽宗詩茸母初生認禁煙是也春初發苗葉

桐梓縣志

卷十

食貨志

十六

多白茸立夏開黃花鄉人取嫩葉揉粉作齏香韌適口竝治  
腎囊風濕癢下疳等症須同甘草煎洗參綱目拾遺

扁竹根 戊己編根橫引如竹節扁葉叢生長生尺許寬寸餘  
心抽綠莖開花結子引黃志

按說文作篇莛釋文引韓詩竹作薄篇莛也水經注引毛詩  
云葇王芻也竹編竹也爾雅竹篇蓄本草陶注卽扁竹也味  
苦性冷傳瘡殺蟲參爾雅蔬

葇麻 本草綱目一名毛蕪高二三尺葉似花蕊或青或紫莖  
上毛芒觸人如蜂螫蠶蠶益部方物贊葉能螫人有花無實冒  
冬弗悴可以怯疾蜀語蕪麻苗似苧麻芒刺螫人痛不可忍又  
名蠶麻有紅白二種煮葉飼豬易壯引黃志

茅草 有數種一白茅白花結穗俗呼絲茅其根牽連故易稱



拔茅連茹一菅茅較白茅長大結實堅黑只生山上故爾雅稱白華野菅一黃茅似菅茅而莖有粉故可爲索縢一芭茅莖高者丈許葉快如刀卽爾雅之芒芒與志通杜榮也一菁茅葉有三脊其氣香芬山原少見參本草綱目

按邑民貧苦多誅茅蓋屋詩詠于茅索縢乘屋可見今古皆同茅之爲用大矣

木賊 生近水地叢叢直上長者二尺許有節而中空其面糙澀治木骨者用之磋擦則光淨猶云木之賊也能治目疾消積

塊本本草綱目

何首烏 本名夜交藤秋冬取根結如人狀赤者雄白者雌重十餘斤者佳通志服之令人益壽本草

木類

桐梓縣志

卷十

食貨志

十七

梓 生長最速爲木之王疏理白色結角如箸其長近尺參詩疏齊

民要術

楸 與梓同類其葉微小開白花木理畧赤濕脆燥堅本本草綱目

枌 蜀都賦梗枌幽藹於谷底又曰交讓所植益部方物記蜀地最宜者重重若幢蓋枝葉不相礙經歲不凋至春陳新相換樹甚端偉贊曰在土所宜亭擢而上枝枝相避葉葉相讓繁陰可麻美幹斯仰黃志引

按枌有數種葉團而厚硬曰潤枌如竹葉曰竹葉枌如牛舌曰牛舌枌又有鴨矢枌質疏易蠹品斯下矣生瘦土者年久則氣芬而色黃治西木堰埧之山王均一株其大四抱許

樟 俗名香樟司馬相如賦梗枌豫章注章卽樟木葉似枌而尖長背有黃赤茸毛四時不彫開細花結小子肌理細而錯綜

有文章氣甚芬烈豫卽烏樟一類二種也本草綱目

按夜郎站民朝聚寺側有樟二株大三抱高六尺黃志謂相傳漢物蓋明時建寺後植者又夜里水填石板溝一株大三抱其老根多山水紋製瘻木器者首取之

松 礫砢多節盤根膠枝皮粗肌潤四時常青望之若龍鱗參本惟蘆里縱岡嶺有之餘皆鹿尾松也

縱 松葉柏身爾雅為松別種又名鹿尾以枝葉如尾也亦結茯苓邑地徧種木理疏脆惟虎跳山中堅而多油又夜里水壩西山頂有一株大六抱上分雙枝鳥銜黃葛種長於歧間根縈至地上結翠蓋每有晴雨羣鳥先噪松坎一株大僅三抱然生巖邊老成雲紋千歲物矣

柏 榲也爾雅木聳皮薄葉青肌細有脂而香四時常茂結實如

桐梓縣志

卷十

食貨志

十八

小鈴中含細子參本草邑徧產者多柏與縱而柏尤堅膩

紫柏 皮似柏葉似杉枝條對生理赤而紋俗名黃瓜米

檜 柏葉松身爾雅通作栝說文栝檜聲轉字通也郝義疏今人謂之

圓柏爾雅以其體圓也

榲爾雅卽杉也木幹徑直葉附枝生微扁如刺結實如松本草綱目其種有三赤心者堅而多油錯枝者亦然白心者虛而乾

燥別有斑文如麻雀翅者葉似柏而垂俗呼柁杉質堅價貴棺材首選東里毛垵有大杉八抱同治癸亥為號匪燒斷又風木水二杉大者七抱次者四抱地以樹名也木既蒼老皆作雲紋販於楚蜀價逾鉅萬又婁里螺蟹平頭山半巖有柁杉其大蔽牛絜之百圍非千歲無此材矣

木蘭 一作木欄廣雅樹皮辛香史記集解皮似桂而香漢書如

枿樹皮薄而辛香陶本草注

按俗呼香桂子樹葉似竹葉枿而微短氣似肉桂而味淡高大堅實有徑尺餘其根多癭尤顯光采

桂 蜀都賦木蘭檉桂注檉桂木桂也黃志桂有三種皮赤者為

丹桂葉似柿者為菌桂葉似枇杷者為牡桂稽含草本狀

黃棟樹 葉似椿而微小皮黃綻裂木理亦淡黃堅重高大夜

里盛產圓巖油構堙一株逾三抱高四五丈

椿 其幹端直紋細色赤葉芽脆香蔬之美品

按椿楓白楊水紅等木初伐即解容易撕裂須於仲冬斬伐或水漚一月鏹破時即挨合重疊不令透風始不破裂

楓香 南方草木狀楓香似白楊葉圓而歧有脂而香先華後

實戊己編楓香數抱干雲插漢葉薄三稜茱大如李竅流白液

桐梓縣志

卷十 食貨志

凝如琥珀木性冷濕誤臥中風筋為之縮節黃志

槐 有數種邑產者葉細而青夏開黃花結實似豆角材質高

大參本草

梧桐 一名榮爾雅無節直生肌理輕虛其樹可知月閏歲生十

二葉一邊六葉從下數一葉為一月有閏則十三葉視葉小處

則知閏何月立秋之日如某時立秋至時一葉墜下遁甲書此木

易長易衰土人不堪貴重

泡桐 即白桐也葉圓大而尖長先花後葉紋理粗韌樹逾十

年其大盈抱參本草

水楊 葉圓闊而尖枝條短硬唐本草爾雅作蒲柳今混呼作楊

柳以與柳皆產水邊也

白楊 葉圓有尖質膩而韌聳直高大插枝即生有二種白皮

者白理黦皮者理欠白質堅而多筋其古今注之移楊乎參本草

相間四尺植一本一本兩株計一畝地七百餘根十年堪為棟

梁值洋千圓每年削枝作柴亦可得十數圓周而復始永世無

窮比之農夫勞逸萬倍去山遠者多種千根以上所求必備參要

齊民術

柳 沿溪多產土人不重另種檉柳葉細如絲一年三花故名

三春柳

檉木 益部方物記檉蜀所宜民家蒔之不三年材可倍常薪

之用贊曰厥植易森數歲輒林民賴其用實伐其薪不棟不梁

亦被斧斤今人呼為畫槁樹黃志

按陳藏器本草作檉木高者十丈大徑二尺

桑 邑桑原有數種葉薄而尖邊有齒者名荆桑其條葉堅勁

桐梓縣志

卷十

食貨志

二十

生於崖石曰崖桑崖桑不宜飼蠶葉圓厚而多津者名魯桑嘉定桑秧

條葉豐腴寬六七寸結椹尤少壓枝更速以之飼蠶絲勝常桑

柘 葉豐而厚幹疏而直木理堅勁插條亦活春蠶食葉津多

易飽惜少有飼者

冬青 凌冬青翠較女之貞葉小而微圓因其可放蠟蟲故亦

呼為白蠟樹又呼為小冬青即水冬青也參本草綱目

白蠟樹 俗名插蠟樹以插枝即活也木亦堅韌葉似冬青葉

微圓而薄因可寄放蟲蠟故名

杜仲 皮中有絲折之則見古今注今按葉亦有絲光亮如銀樹

甚高大剝皮銷渝獲利甚豐

厚樸 葉大如枇杷皮厚而皺紫色多潤者佳參本草近有販者

於夜里深山得一株其徑尺餘皮厚近寸重有千斤貨於廣都

利不貲也

茱萸 葉長而皺花細而紫結子如椒纍纍成簇熟亦紫色樹

易長成爲利甚速參本草綱目

穀 陸機詩疏績其皮以爲布又擣以爲紙其葉初生可以爲

茹蜀語楮樹曰穀音構黃志二月移栽三年一斫剝皮造紙每歲

十畝收絹百匹齊民要術

黃蘗 葉如茱萸亦如紫椿經冬不凋皮厚二三分外白裏黃

宋本圖經樹亦高長

楝 一名苦楝木高丈餘葉如槐而長花開紅紫滿庭芬香實

如彈丸生青熟黃本草圖經子如小鈴故名金鈴子爾雅翼

無患子 袂周之山其木多桓山海經桓患聲轉字譌也樹甚高

大枝葉如椿夏開白花實大苦楝生青熟黃肥而多油可以澣

桐梓縣志

卷十 食貨志

垢核圓色黑釋家用爲念珠故又名菩提子節本草

皂莢 其木有極高大者葉如槐瘦長而尖枝間多刺結莢有

三種形小如豬牙者良又有長而肥厚者多脂而黏一種長而

廣薄枯燥不黏本草綱目

櫻 蜀都賦櫻榘楔樅劉注櫻榘出蜀其皮可作繩履黃志本聳

無枝葉大而圓有如車轎萃於樹杪其下有皮重疊裹之每皮

一匝爲一節二旬一采皮轉復上生六七月開黃白花八九月

結實作房如魚子本草圖經其皮中毛縷如馬之鬣鬣故名本草綱目

按皮作舟纜入水不爛結子如薏苡生黃熟黑可以素食

合歡 枝葉繁密互相交結風來自解不相牽綴樹之階庭使

人不忿古今注其葉至暮卽合故名合昏又名夜合參本草

榆 一名白粉通志其木高大春葉未發枝條間先生榆莢似錢

而薄小色白可食本草綱目今夜里幸家田有之俗呼榆音搖錢樹  
紅豆 益部方物記花白色實若大紅豆以似得名葉如冬青  
贊曰葉圓以澤素礪春敷子生莢間纍纍如珠天祿識餘紅豆  
一名相思子

按俗呼娑羅樹皮葉青黑近本無枝上團團如蓋四時不凋  
結子鮮紅節黃志本草綱目相思子其葉似槐其花似皂莢其  
莢似扁豆其子大如小豆半截紅色半截黑色其非一木也  
此木邊白心紅有雀翅斑堅韌可爲舁竿秋乃發花艷如桃  
杏一穗千蕊疊纍下垂

黃楊 有二種一枝叢葉繁最難長大止徑二三寸一生高山  
徑有五六寸然不條直木理均極堅細

二色木 皮灰起白雲二月開白花一名二月花樹甚堅巨而

桐梓縣志

卷十

食貨志

三三

直

椴子樹 戊己編樹生長刺儼如鐵釘葉大皮黑結子如豆木  
理紅色曰紅椴葉尖皮白起殼木理白色曰白椴此木堅重有  
大一二抱者節黃志

水紅樹 葉似茶而長木理赤而堅黃志引雲南志謂之水冬  
瓜非也水冬瓜葉比此大質無此堅

黑達樹 皮黑有刺葉青似茶木理堅黃最難長大參黃志

水冬瓜 皮裏微紅葉似牛舌枿秋間結瓜內子甚香木亦高  
大

木瓜 楸木也詩毛傳先花後葉葉尖而厚實若小瓜酢可清餽

參爾雅注並可治足疾

鼠李 又名烏槎本草戊己編漿梨木高丈許叢生白皮黃裏枝

節有刺長一二寸結子夏青冬黑剝皮取子可以染綠俗呼綠條

按黃志引此爲漿梨木卽綠條不知漿梨木葉大如冬青子結纍纍小而多涎綠條卽鼠李葉小如紅子子疏而微大非是一木也

君遷 蜀都賦平仲君遷司馬公名苑君遷子形如馬奶四川志造傘者用柿油卽此木汁也黃志

按此卽本草之牛奶柿類柿而葉長子中汁甜美如乳也

榕木 葉如木麻實如冬青南方草木狀 枝葉柔脆著石卽縈著土

又生根蜷蜷膠結柯葉蔭茂節榕城隨筆 俗呼黃葛產於熱地夜里

松坎常多連抱者然匪堅材矣

櫨木 荒年雜詠注俗傳刺老包幹無枝葉莖頭一叢黃志 其樹

周身皆刺順行不亂葉嫩可食參本草

刺楸 戊己編高者數丈周幹起泡如瘡有刺救荒本草皮色

蒼白枝硬多大刺葉似楸葉而薄味甘黃志

按葉背亦有刺根皮炒研和金傷藥消腫止痛並煎水服

霸王鞭 田居蠶室錄節節皆如鞭形相接爲枝幹有高至二

丈者緣身布刺以作籬笆插枝卽活黃志

南天竹 夢溪筆談莖若朔藿有節高三四尺葉微似棟而小

至秋則實赤如丹黃志 按南字黃志作蘭似誤

八角回 樹甚粗大結實如大柏子裂成八瓣一瓣一核其色

黃褐內仁更甜氣如小茴本草綱目 夜里羅平植有多株漆里亦有

六角筋 莖方而理糾葉尖蒂團爲鋤柄斧把等用最爲堅韌

徑止四五寸

紫荆 又名磨鐵銷葉似葶椒葉木理油潤而堅重徑止四五寸石匠鑿把用之產國公橋兩崖岸

烏木 土人常開田土或在溪中掘出大概傾陷年久之木如枌桂楓柏等則黑似鐵堅如角他木則否人或謂之陰沉新齊諧稱指甲搯破少頃復合殊不盡然蓋木受濕氣乾則縮裂必用濕絮包之以避風日如乾再入土亦必朽矣

青桐 郡人養山蠶之樹一種卽詩之苞櫟一名栩一名柞一名柔一名棧其實名皂一名皂斗一名象斗一名樣別作橡俗所謂水青桐也一種名榭卽詩之樸檉爾雅樸檉榭也宋史資州獻梅青桐合成連理可知青桐爲蜀地舊稱櫟葉短厚光滑冬夏常青新生故落其實長而細生長甚遲榭葉長者五六寸折之刺手冬則零落其實大而圓另有較榭葉粗大者俗名

扶櫟又呼虎皮青桐不中蠶食節黃志

按水青桐葉深青背白皮紅理細材甚高大其榭檉俗呼家青桐葉尖而滑材亦高大又有米青桐葉條皮光質理緊細泡青桐葉大而泡邊有鋸齒其扶櫟青桐木理堅細皮厚心赤別有榭櫟青桐皮厚葉光樹小子條成絲最韌又有巖青桐皮灰而光葉青不凋又有紅綢絲青桐皮綻葉細木赤理如織綢經緯材最堅重此二種素不飼蠶也

竹類

通竹 北戶錄漆州通竹直上無節空心也本草無節竹則通竹也桐筌

按通志載箭竹出銅仁細小而勁通竿無節可以爲箭豈卽此類耶



方竹 體如削成勁挺堪爲杖不讓張騫筇竹也北戶錄益部方物贊竹口皆圓此獨方形厚倍于竅湘節圓稜黃志

筋竹 竹之多筋者說文篁竹俗名筋竹通志竹譜筋竹長二丈許

圍數寸至堅利南土以爲矛田居蠶室錄大者徑三四寸視班

竹尤堅昇竿必需此節黃志

篁竹 堅而促節皮白若霜粉大者宜行船細者爲笛見三倉竹譜

俗呼硬頭篁節疎體厚大者爲昇竿細者作煙具尤佳

班竹 唐書播州貢班竹黃志其籜有班點節較筋竹粗有徑三

四寸長二三丈運至四川鹽井用之每個值銀一兩另有堅重

者則徑稍小

慈竹 南中子母竹卽今慈竹也述異記益部方物畧記性叢

生根不外引其密間不容筍生夏秋間閱歲餘枝葉乃茂別有

桐梓縣志

卷十

食貨志

二五

數種節間容八九寸者曰籠竹一尺者曰苦竹弱質垂地者曰釣絲竹或取節修膚緻者用爲簞笠贊曰根不他引是得慈名中實外堅筍不時萌末或下垂苒弱絲縈蜀語竹作箴甚柔者曰慈竹七月出筍輒可爲繩惟川產甚多利用最大別土不產

節黃志

按此籜上多芒蠹膚腫痛太者徑三四寸高二三丈鄉戶皆種

水竹 節長而質薄通志至大者徑二寸作白紙料細者作簞價

倍慈竹其用甚廣

苦竹 有白有紫而味苦竹譜質肥味苦其筍燒食絕美作香燭

籤者用之

刺竹 枝節皆有刺一名笆竹竹譜笏竹刺竹也芒刺森然桂海虞衡

志 生於冬月大者徑寸

筇竹 一名扶竹經山海 邛縣之竹漢書 高節實中狀若人形可以

作杖竹譜 暴節竹高節礫砢即邛竹也草本 俗名羅漢竹亦呼扶老

竹通志

桃竹 雅爾 桃枝四寸有節蜀都賦靈壽桃枝劉注桃枝竹屬可

以為杖本草蜀中出桃枝竹皮滑而黃犀紋瘦骨竹譜 竹心中空

惟此竹獨實如木夜婁里產皮葉類櫻削其皮色純紫根具兩

角者為挂杖少陵桃竹杖引所謂斬根削皮如紫玉出入爪甲

鏗有聲也掘時背握之忌出聲否則無角黃志

按省志桃竹通名棕竹

紫竹 益部方物志蜀山中多紫竹園池亦種為玩品然生二

年色乃變贊曰竹生二歲色乃變紫伐幹以用西南之美俗呼

桐梓縣志

卷十 食貨志

為黑竹黃志 有班竹體者黑深水竹體者黑淡可以入藥避猓

犬

南竹 徑有七八寸質厚寸餘植此無多

箭竹 節間三寸堅勁中為矢竹譜 細小而勁通竿無節吳都賦注 一

名筩竹夜里爬爪溪板栗埧盛產細根截作筆管

箬竹 一名遼竹根莖似小竹葉籜似盧荻柔韌用以襯笠野

生不蘖也

觀音竹 田居蠶室錄葉細節密無高大者黃志 每節二三寸似

竹根參農政全書

人面竹 節密中凸宛似人面桂海虞衡志 節促微低四面參差而

凸起蘆里人家多有植者

鳳尾竹 纖小猗那葉隨枝垂有若鳳尾

琴絲竹 葉如鳳尾竹面紋細如絲青黃相間產於夜里  
按農政全書有黃金兼白玉產成都或是此也